



KITAIL WIA HOMEWORK!

Homework kin sewese tohnsukuhl ong ah sukuhl. E pil kin sewese peneinei en patehng seri kan utungada keirdahn marain oh loalekeng. Ni peneinei ah kin kasalehda me irail ngoangki en seri kan doadoahk en pweida, irail kin padahkiheng serio ehu kasukuhl kesempwal — me sukuhl mehkot me kaperen oh e pahn wa mwahu ong serio.

Seri kan me kin ngoangki wia homework, arail koahiek kin deisang meh teikan. Ni seri kan ahr kin kekeirda nan pwihn laud kan, kesempwal en homework pil kin inenen laudla sang mahs pwe iei ih me wia pweidahn en emen emen seri ah sukuhl.

Sounpadahk kin kiheng seri homework ong ni soangen kahrepe tohto. E kin sewese seri kan:

- sosohng oh katakataman dahme serio koledier nan sukihl;
- poahsoanehda en serio lamalam de kaunopada ong arail kasukuhl en lakapw;
- doadoahngki utuhn sawas akan, me rasehng library oh encyclopedia; oh
- marainkihla soahng teikan me irail sohte ale nan kasukuhl.

Homework kin wia kaiahn mwahu ong seri. E kin kakairada ahnepe mwahu en emen emen seri. E kin sewese seri kan en ahnla wia pein arail doadoahk, kangoange arail kautih ong pwukoa kan, oh pil soahng teikan.

SOAHNG PAHIEU KOMW KAK WIA PWE EN SEWESE EN SERI KAN HOMEWORK

1. Kasalehieng serio me kasukuhl oh homework inenen kesempwal. Seri kin pereniki wia homework ma irail ese me pahpa nohno ngoangki homework en wiawihda nek.

- Koasoanehdi ansou nan rahn koaros, ansoun wia homework. Ansou me komwi oh omwi peneinei pahp kak patehng oh utung en serio ah doadoahk.
- Pilada wasa me marain oh sohte katairong; wasa me koaros kak mwohndi oh nse-namwahu.
- Kakunla TV. Dehr mweidehng serio en doadoahngki telephone ni ansoun wia homework. Tohn peneineio koaros anahne en iang wauneki ansou kiset; ansoun nennenla. Soang kan me pahp katairong, anahne en keiwei sang wasahn wia homework.

- Kaunopada doaropwe, pwuhk, pinsel, oh soang teikan me serio anahne ong wia homework. Ma dipwisou pwukat apwal, peki rehn principal, oh sounpadahk pwe irail en wehwehki me komw anahne sawas pwukat.



- Kasalehieng serio karasepe mwahu ni omwi pahp patehng oh iang nting de wadawad. Seri kin pein diarada dahme kesempwal sang ni arail kin kilang dahme komw kin wia. Kangoange serio ong kasukuhl. Kangoange serio ong ilek kan me kin padahkiheng serio dahkot pwukoah.

- Patehng serio wadawad. Wiepe wet kin kaiahnehieng serio en perenikihla wadawad, koledi lokaia, oh poasoanehda ah ineng oh anahn en loalekengla erein ah mour.

- Ma mie "Library" keren, wahla serio loale oh sewesehki en alehda pwuhk me pahp sewese ah

home-work.
Patehng serio nan mwekid en sukuhl




kan me rasehng meeting en PTA, oh pil kamwadong ape. Koasoia duwen sukuhl.

2. Tehk en seri kan arail doadoahk. Wen petehk me konehng en wiawihong homework mihmi ni sounpar en emen emen seri, ia wen koahiek en serio, oh ia wen koahiek en ah kak wia homework.

- Wehwehkihla dahme sounpadahko kasik sang rehn serio. Ni tepidahn pahp en sukuhl, tuhweng sounpadahk oh song en wehwehkihla soangen homework kan me pahp kohieng serio, ia mwohmwun pahpa nohno ah pahp iang sawas ong homework. Ekei sounpadahk kin mwahuki komwi en kangoange serio pwe en uhdahn kanekehla ah homework. Ekei sounpadahk kin mwahuki komwi en tehk homework oh kasalehieng serio wasa me pwung de sapwung.
- Tehk serio en kanekehla homework nan ansou me koasoandi. Ma serio wia homework nan ansou me komw sohte mie, komw anahne en tehk ia wen me e wiahda, oh audepe pwe en kasalehda omwi ngoangki doadoahko en nekila oh pwung.
- Tehk mwahu pwe ansoun TV de kadirapwahla anosun wia homework. Homework kin kak nekila ma anosun TV pahp mwotomwot. Tehk mwahu pwe ilek de mwadong de nohn daulihla oh katikala ansoun wia homework. Ma serio sohte kin kanekehla ah homework, mwein anahne en kesehla ehu soahng me sohte nohn katepe pwe en wia homework.

3. Mehn kaweid.
Poahsoan en sawas ong homework iei, "Ke dehr wiahieng en serio ah homework. Kaidehn omwi homework met — pwe ahn serio."



Ahpw iet akan sohng kei me komw kak kaweidiki serio:

- Ropada soangen wiepe da me serio kin keieu pwungki ong ni wiepen kasukuhl. Ma komw wehwehki met, e pahn mengei komwi en sewese serio. Karasepe, ma serio kin pereniki kilang mahlen de kilel ape, ah ke seweseki soang pwukat. Ma serio anahne en kilang uhdahn dipwisouo me rasehng, apel ehu kak pwalpeseng wiahda meh pahieu (4) pil pahn sewese serio en wehwehki kisikis de (fraction). Ma ire pwukat me koasoapwurup-wur rehmei, ah komw song tehk rehn en serio ah sounpadahko pwe mwein e kak sewese omwi anahn ong ni wiepe.
- Kangoange serio pwe en ahnla study. Tehk pwe serio en koasoanehdi ah ansoun study oh tehk pwe en wia sosohng en sikeng (test) ni ihmw. Pil kangoangehki en doadoahngki library ong onop en sikeng.



- Koasoaiia pwukoahn homework, pwukoahn kasukuhl oh wia peidek. Met kak sewese serio en medewe doadoahko ni pisetik. Karasepe, idek rehn serio, ke wehwehki ia mwomwen omw pahn wia men? Soangen wasa dah me ke pahn anahne sawas ie? Pasapeng me ke diaradahr en, mie wehweh rehmw de ia wehwe ong ni doadoahko?

- Kepinga serio. Soangen mah en aramas koaros kin perenik ma kaping kin kohieng irail ni anou me irail wia doadoahk mwahu. Pil kiheng irail kaweid inen ni ansou me serio sohte wia doadoahk mwahu pwe en pil pwurehng song oh kapwungala.

4. Koasoaieng Emen Tohrohr Ni Imwen Sukuhl Ma Mie Kahpwal. Ma mie kahpwal ong wia homework, koaros anahne doadoahk sawaspene pwe en kapwungala — sukuhl, sounpadahk, peneinei, oh seri kan.

- Koasoanehdi oh tuheng sounpadahk. Karasepe, tuhkiheng sounpadahk ma serio sohte men wia ah homework, ma serio sohte wehwehki wiepen wia homework, de ma komw anahne sawas en koasoanehdi ansoun wia homework.
- Poahsoanki koapwoaroapwoar me sukuhl de sounpadahk en sukuhl kin men sewese komwi oh sapwelimomwi serio. Komwi oh sounpadahko kak sawaspene pwe en katikala kahpwal en wia homework. Kahpwal wekpeseng, pil wiepen kapwungala pil wekpeseng. Karasepe:
- Serio ahniki kahpwal en kanekehla ah homework ni ansou me kileledi? Mwein ah koahiek ong ni wiepen onop sohte itar oh anahne sawas ong ni wia koasoandi.
- Homework sou nohn apwal? Mwein serio pwandalahsangehr ienge teikan oh anahne sawas tohrohr sang rehn sounpadahk de uhdahn soun wia kaweid tohrohr.
- E pwangahki wia homework? Mwein homework me nohn mengei oh serio anahne pil kapatahieng ekei homework me pahrekieng wen ah koahiek. De mwein serio anahne wiepe tohrohr, dipwiwoun kasukuhl tohrohr, pwe en kak wia ah homework. Komw anahne tamataman me kaidehn homework koaros kin kaperen ong seri kan. Pali ngeder en sounpadahk kin song en kiheng seri kan homework me seri kin pereniki oh kak wiahda mwahu, oh sounpadahk pil kin kasik kaweid sang rehn peneinei kan.
- Tehk rehn sounpadahk oh pil rehn serio pwe koasoandi en wia homework en kak doadoahk mwahu ong koaros.

TEHK OH SEWESE SAPWELIMOMWI SERIO WIA HOMEWORK

Tehk Pwe En Mie Ong Ser io

- Wasa me sohte katairong oh marain.
- Ansou koasoandi en wia homework rahn koaros.
- Dipwisou en sewese kasukuhl, daropwe, pinsel, pen, marker, ruler.



Peidek Kan Ong Ser i Kan

- Dahme omw homework en rahnwet?
- Ke wehwehki dahme ke pahn wia nan omw homework en? (Ma e sohte sansal, mwein e kak call emen ah classmate oh idek.)
- lahd ke pahn kapwurehla omw homework?
- Ke pahn anahne doadoahnki library de computer ong homework?
- Ke pahn anahne soangen dipwisoun kasukuhl tohrohr ong homework?
- Ke tepidahr wia homework en rahnwet? Ke kanekelahr?
- Homework en e reirei? (karasepe; term paper, science project)?
- Ke pahn anahne ntingihda kahk keieu, keriau, ape de wiahda omw schedule en kanekelaha homework en?
- Ke pahn anahne wia kaiahn en test ong homework en?

Soangen Sawas Teikan

- Tehk homework me serio kanekelaha kan!
- Tuhweng sounpadahk oh diarada kosonned en wia homework.
- Tehk en sounpadahk kan arail kaweid nan homework kan me kapwungupwungier oh koasoai ong serio duen met.
- Tehk soangen wiepen kasukuhl da me serio kin keieu koahiek loale (karasepe: ma e mwahuki doadoahngki kilel, de wadawad laud).
- Tuhkiheng sounpadahk duwen kahpwal en wia homework me komwi kelehpw sohte kak kapwungala.
- Kapinga serio ni ansou me e kin wia doadoahk pweida.

Resources: This information was taken from *Your Child With Homework*, one of a number of publications for parents published by the U.S. Department of Education. To find out what's available and how to order, request a free Consumer Information Catalog from the Consumer Information Catalog, Pueblo, Colorado 81009.

Please feel free to reproduce this information.

U.S. Department of Education
Richard W. Riley
Secretary

Office of Educational Research and Improvement
Sharon P. Robinson
Assistant Secretary

Office of Reform Assistance and Dissemination
Ronald W. Cartwright
Acting Director

ORAD 96-1212